

封內旨之事雖因風聞而啓達虛實之間欲使嚴肅宮禁之意然
語涉宮禁又未曉傳教之意不即回啓終未免趑趄矇矓之失然
其疏則明白折衷正中時弊人皆以為切直伏願 殿下勿為泛覽
而留念省察焉夫以人主比之於天者非謂其高高在上而已以
無偏繫之心而至公無私如天也領經筵事尹元衡曰近來朝廷
之間愚妄指李之人專擅威權使國事日非而臣亦忝大臣之列
知而不言臣罪大矣自古姦臣之誤國者非一而未有如近日之人
欲遂所欲則輒假托 上旨也朝廷上下孰不痛心○日暈冠
辛未 上御朝講

壬申試文臣通政以下製述于明政殿庭○夜異方北方如火
氣○清洪道丹陽慶尚道榮川地震

癸酉汰去老病不合師儒唐允文等五人及年老守令辛祉等

十二人○憲府啓曰前端川郡守李彥臣性本貪婪罄竭官庫

善事權勢

指李 李戡 探

使之通請於本道監司

俞 緝

監司據其郡民不

實之狀啓請論賞終授通政之加物情至今痛憤李彥臣堂上